



ADRODDIAD I FWRDD UCHELGAIS ECONOMAIDD GOGLEDD CYMRU

14eg o Chwefror 2025

TEITL: Cynllun Twf Gogledd Cymru – Adroddiad Perfformiad a Risgiau Chwarter 3
AWDUR: Hedd Vaughan-Evans, Pennaeth Gweithrediadau

1. PWRPAS YR ADRODDIAD

- 1.1. Pwrpas yr adroddiad yw cyflwyno adroddiad Chwarter 3 (Hydref i Rhagfyr) y Cynllun Twf a Chofrestr Risg y Portffolio wedi'i diweddarau.
- 1.2. Mae adrodd chwarterol ar gynnydd yn erbyn Cynllun Twf Gogledd Cymru yn un o ofynion Cytundeb Terfynol y Cynllun Twf. Yn dilyn ystyriaeth gan Fwrdd Uchelgais Economaidd Gogledd Cymru, caiff yr adroddiadau eu rhannu gyda Llywodraeth Cymru, Llywodraeth y DU a phwyllgorau craffu'r awdurdodau lleol.

2. Y PENDERFYNIAD A GEISIR

- 2.1. Bod y Bwrdd yn ystyried ac yn nodi Adroddiad Perfformiad Chwarter 3 a Chofrestr Risg y Portffolio wedi'i diweddarau.
- 2.2. Bod y Bwrdd yn cymeradwyo cyflwyno Adroddiad Perfformiad Chwarter 3 i Lywodraeth Cymru a Llywodraeth y DU, ynghyd â phwyllgorau craffu'r awdurdodau lleol.

3. Y RHESYMAU DROS Y PENDERFYNIAD

- 3.1. Fel sydd wedi'i nodi yn yr adroddiad.

4. CEFNDIR AC YSTYRIAETHAU PERTHNASOL

- 4.1. Ym mis Rhagfyr 2020, fe wnaeth y Bwrdd Uchelgais a Llywodraethau Cymru a'r DU gytuno ar y Cytundeb Terfynol ar gyfer Cynllun Twf Gogledd Cymru.
- 4.2. Mae adrodd rheolaidd ar gynnydd yn erbyn Cynllun Twf Gogledd Cymru yn un o ofynion Cytundeb Terfynol y Cynllun Twf.
- 4.3. Mae dau atodiad i'r adroddiad hwn:
 - Cynllun Twf Gogledd Cymru - Adroddiad Perfformiad Chwarter3
 - Cofrestr Risg y Portffolio – Rhagfyr 2024
- 4.4. Cynllun Twf Gogledd Cymru - Adroddiad Perfformiad Chwarter 3
 - 4.4.1. Mae adroddiad perfformiad Chwarter 3 yn darparu trosolwg o gynnydd ar raglenni a phrosiectau'r Cynllun Twf.

- 4.4.2. Cymeradwyodd y Bwrdd Uchelgais yr Achos Fusnes Amlinellol ar gyfer Parc Bryn Cegin, yn ogystal cymeradwywyd yr Achosion dros newid ar gyfer prosiectau Cyn Ysbyty Gogledd Cymru ac Anturiaethau Cyfrifol.
- 4.4.3. Y chwarter hwn, gwelwyd cymeradwyo diweddariad Achos Busnes y Portffolio a'i gyflwyno i Lywodraeth Cymru a Llywodraeth y DU fel rhan o'r broses dyfarnu cyllid flynyddol.
- 4.4.4. Mae'r gwaith ar y ddau brosiect o fewn y rhaglen Arloesi mewn Gweithgynhyrchu Uwch yn mynd yn dda. Mae'r adeilad Canolfan Opteg a Pheirianeg Menter yn dal dŵr gyda'r gosodiadau mewnol yn mynd i mewn. Mae gwaith ar adnewyddu safle Henfaes ar gyfer prosiect Canolfan Biotechnoleg Amgylcheddol yn symud ymlaen yn unol ar amserlen.
- 4.4.5. Penodwyd dau ymgynghorydd cronfa i baratoi ar gyfer gweithredu y Gronfa Ynni Glân, sydd i fod i gael ei lansio yn 2025.
- 4.4.6. Daeth ymgynghoriad y diwydiant ar gyfer y prosiect Safleoedd Allweddol a Choridorau Cysylltiedig 4G + i ben yn ystod y chwarter, gydag adborth gwerthfawr yn cael ei dderbyn i lywio dyluniad yr ymyriadau. Dechreuodd y prosiect Di-wifr Uwch ymgysylltu â'r farchnad.
- 4.4.7. Mae diweddariad Chwarter 3 yn dangos prosiectau yn adrodd yn erbyn proffil cyflawni diwygiedig y portffolio. Mae chwe prosiect yn adrodd yn goch ar hyn o bryd naill yn sgil risgiau i sgôp y prosiectau, neu oedi sylweddol i amserlenni'r prosiectau:
- Cysylltu yr Ychydig % Olaf – Bydd buddsoddiad Llywodraeth y DU mewn band eang yn y rhanbarth yn dechrau yn dilyn caffael presennol ar gyfer ei fframwaith 'trawsranbarthol'. Bydd canlyniad hyn yn diffinio safleoedd ar gyfer ymyrraeth y Cynllun Twf.
 - NEW-H2 - Mae'r prosiect yn cael ei adolygu yn dilyn i Uniper gadarnhau ei fod yn tynnu'n ôl fel un o gyd-noddwyr y prosiect, mae Wales and West Utilities ar hyn o bryd yn edrych ar opsiynau posibl i gydweithio â noddwr amgen i ddatblygu'r prosiect.
 - Trawsfynydd - ansicrwydd ynghylch yr amserlenni cyflenwi oherwydd y penderfyniadau sy'n ofynnol gan Great British Nuclear a Llywodraeth y DU ar ddewis technoleg a dewis safleoedd.
 - Porth Caergybi – datblygu prosiect wedi ei oedi hyd nes y bydd canlyniad trafodaethau masnachol Stena Line gyda'r sector ynni alltraeth.
 - Siwdios Kinmel – Mae noddwr y prosiect sef Stage Fifty wedi cael ei roi yn nwylo'r gweinyddwyr, a'r prosiect yn cael ei adolygu o ganlyniad. Bydd cynigion diwygiedig yn cael ei cyflwyno i'w hystyried yn Ionawr 2025.
 - Canolbwynt Economi Gwledig Glynllifon – gwaith i ail sgopio'r prosiect ar y gweill, gyda cais am newid prosiect yn cael ei gyflwyno i'r Bwrdd Uchelgais.

4.5. Cofrestr Risg y Portffolio – Rhagfyr 2024

- 4.5.1. Caiff Cofrestr Risg y Portffolio ei diweddarau'n rheolaidd gan y Swyddfa Rheoli Portffolio a'i hadolygu gan y Bwrdd Portffolio a Bwrdd Uchelgais Economaidd Gogledd Cymru yn chwarterol.
- 4.5.2. Mae'r gofrestr risg wedi'i diweddarau'n llawn gyda nifer o newidiadau wedi'u cofnodi yn y dogfennau, yn cynnwys disgrifiadau risg wedi'u diwygio, camau lliniaru diwygiedig ac mae'r sylwadau wedi'u diweddarau.

- 4.5.3. Mae'r risg gweddilliol ar gyfer buddsoddiad y sector gyhoeddus wedi lleihau oherwydd nifer yr Achosion Busnes Llawn sydd wedi cymeradwyo dan arweiniad noddwyr sector cyhoeddus.
- 4.5.4. Er bod y proffil risg wedi parhau'n sefydlog dros y chwarter diwethaf, mae'r proffil risg yn parhau yn uchel gyda nifer o risgiau gweddilliol coch gan gynnwys fforddiadwyedd, caniatáu, oedi ac buddsoddiad.

5. GOBLYGIADAU ARIANNOL

- 5.1. Ni chyfyd unrhyw oblygiadau ariannol yn uniongyrchol o gymeradwyo'r penderfyniad a geisir yn yr adroddiad hwn.
- 5.2. Mae'r proffil cyflawni a gwariant diwygiedig a gymeradwywyd gan y Bwrdd wedi'i gynnwys yn yr adroddiad chwarterol.

6. GOBLYGIADAU CYFREITHIOL

- 6.1. Ni chyfyd unrhyw oblygiadau cyfreithiol uniongyrchol o'r adroddiad hwn.
- 6.2. Mae adrodd rheolaidd ar berfformiad y Cynllun Twf yn rhan o'r fframwaith llywodraethu y cytunwyd arno ac yn un o ofynion allweddol Cytundeb Terfynol y Cynllun Twf.

ATODIADAU:

| | |
|------------------|--|
| Atodiad 1 | Cynllun Twf Gogledd Cymru - Adroddiad Perfformiad Chwarter 3 |
| Atodiad 2 | Cofrestr Risg y Portffolio – Rhagfyr 2024 |

YMATEB Y SWYDDOGION STATUDOL:

i. Swyddog Monitro:

“Un o brif dasgau'r Bwrdd Uchelgais yw monitro cynnydd a risgiau. Mae angen i'r Bwrdd ystyried y gofrestr a bodloni ei hun ei bod yn adlewyrchu'r statws risg yn gywir a bod camau lliniaru yn derbyn sylw.”

ii. Swyddog Cyllid Statudol:

“Rwyf yn fodlon fod yr adroddiad yn adlewyrchiad teg o sefyllfa ariannol Uchelgais Gogledd Cymru yn ystod chwarter 3. Ni fydd gweithredu'r penderfyniad a geisir yn creu ymrwymiad ariannol newydd. Byddaf yn parhau i gefnogi Swyddfa Rheoli Portffolio wrth reoli'r risgiau perthnasol.”